

# АКАФИСТ

МУЧЕНИКУ  
ИОАННУ ВОИНУ



Издательство Московской Патриархии  
Русской Православной Церкви  
Москва 2019

УДК 27-528  
ББК 86-372  
А38

Рекомендовано к публикации  
Издательским советом  
Русской Православной Церкви  
ИС Р19-927-3399

**Акафист мученику Иоанну Вои-  
А38 ну.** — М.: Издательство Московской  
Патриархии Русской Православной  
Церкви, 2019. — 56 с.

ISBN 978-5-88017-813-1  
© Издательство Московской  
Патриархии Русской  
Православной Церкви, 2019



## АКАФИСТ СВЯТОМУ ЧУДОТВОРЦУ ИОАННУ ВОИНУ

### Кондак 1



И збрáнного раба Царя Не-  
беснаго, дóбляго Христо-  
ва страсотёрпца, Иоáнна  
свята́го, воина и чудотворца, по-  
хвáльными пёсньми воспо́йм,  
я́ко христиáн заступника, цело-  
мудрия блюстителя, стражду-  
щих утёшителя. Ты же, предсто́я

Престо́лу Святы́я Трѳицы, мо-  
ли́твами сво́ими от всѣких зол  
и напа́стей охраня́й с ве́рою и  
любо́вию зову́щих ти:

Ра́дуйся, Ио́анне святы́й, вои-  
не и пресла́вный чудотво́рче.

### И́кос 1

Арха́нгели и А́нгели с любо́вию  
взря́ху на равноа́нгельское жи-  
ти́е тво́е, Ио́анне пречу́дне: ты  
бо, пе́кийся о Госпо́дних, ка́ко  
угоди́ти Го́сподеви, сохрани́л еси́  
де́вство невреждѣ́нно, постом  
и моли́твою умерщвля́я плоть  
свою́ день и но́щь. Мы же, тако-  
во́му жити́ю тво́ему́ дивя́щися, со  
умилѣ́нием взыва́ем ти си́це:

Ра́дуйся, чистоту́ се́рдца свое-  
го́ сохрани́вый; ра́дуйся, я́ко сего́  
ра́ди Бо́га узрѣ́ти сподо́бился  
еси́.

Ра́дуйся, и́го Христо́во на ра́мо  
своѣ́ взѣ́мший; ра́дуйся, ду́шу  
свою́ Христо́ра́ди погуби́вый, во  
е́же спасти́ ю́.

Ра́дуйся, А́нгелов сожи́телю;  
ра́дуйся, де́вственников похва́ло.

Ра́дуйся, храните́лю и наста́в-  
ниче ю́ных отроко́в; ра́дуйся,  
ско́рый помо́щниче борю́щимся  
со страстьми́ и похотьми́.

Ра́дуйся, защи́тнице дев и вдо-  
ви́ц; ра́дуйся, обличѣ́ние наруши́-  
телей целому́дря.

Ра́дуйся, роди́телей и воспи-  
та́телей наста́вниче; ра́дуйся, си-  
ро́тствующих незри́мый води́-  
телю.

Ра́дуйся, Иоа́нне святы́й, вои-  
не и пресла́вный чудотво́рче.

### Конда́к 2

Ра́дя святы́й Иоа́нн, егда́ при-  
и́де в Ну́меры Ифа́льския,  
христиа́ны гони́мы, не убо́яся  
преще́ний нечестива́го Иули́ана  
и рече́ им: мужа́йтесь, укрепля́й-  
тесь в ве́ре, да сподо́битесь вы́ну  
воспева́ти в Небе́сных черто́зах  
Христу́ Бо́гу: Аллилу́ия.

### И́кос 2

Ра́зум несумне́нный имёл еси́  
в себё, Иоа́нне достохва́ль-  
не, егда́ сла́ву ми́ра сего́ презре́в  
и гнева́ ца́рскаго не устраши́в-  
ся, испове́дал себё христиа́ни-  
на бы́ти и сего́ ра́ди, я́ко злоде́й,  
в темни́цу вса́ждён был еси́. Та-  
ковому́ твоemú о Христе́ дерзно-  
вению́ дивя́щися, глаго́лем:

Ра́дуйся, испове́дниче Христо́в  
преизря́дный; ра́дуйся, Христу́  
спострада́вый.

Ра́дуйся, идо́льскаго служе́ния  
пре́лесть обли́чивый; ра́дуйся,  
си́лою Креста́ врага́ победи́вый.

Ра́дуйся, яко́ ўзы и темни́цу за Христа́ прия́ти сподо́бился еси́; ра́дуйся, яко́ хлад и наготу́ за Христа́ предпочёл еси́ сла́ве грехо́вней.

Ра́дуйся, испове́дников похва́ло; ра́дуйся, му́чеников ра́дование.

Ра́дуйся, в земны́х во́инех до́блй во́ин Царя́ Небе́снаго; ра́дуйся, убели́вый ри́зы сво́я в Кро́ви А́гнчей.

Ра́дуйся, Це́ркве Христо́вы за́щитниче; ра́дуйся, всех право́сла́вных засту́пниче.

Ра́дуйся, Ио́анне святы́й, во́ине и пресла́вный чудотво́рче.

### Конда́к 3

Гы́лою свы́ше препоя́санный, Гвозмо́гл еси́ победи́ти дре́вняго зми́я; то́южде си́лою ода́реный, исто́чаеши оби́лие чуде́с всем призы́вающим с ве́рою и́мя твоё и о тебе́ благода́рне вопи́ющим Бо́гу: Аллилу́ия.

### И́кос 3

Име́я в се́рдцы своём тве́рдую ве́ру во Христа́ и си́лою то́я воору́жився, не убо́ялся еси́ гне́ва царёва и сохрани́л еси́ ифа́льския лю́ди от мучи́телей. Сего́ ра́ди тако́во́е му́жество твоё похва́ляюще, блажи́м тя си́це:

Ра́дуйся, адама́нте ве́ры Хри-  
сто́вы; ра́дуйся, сто́лпе Це́ркве  
Бо́жия.

Ра́дуйся, ве́рных наде́ждо и за-  
ступле́ние; ра́дуйся, неве́рных  
страх и посрамле́ние.

Ра́дуйся, вене́ц испове́дника  
Христо́ва стяжа́вый; ра́дуйся, ору́-  
жием Креста́ врага́ Христо́ва низ-  
ложи́вый.

Ра́дуйся, Христа́ па́че ми́ра воз-  
люби́вый; ра́дуйся, за христиа́ны  
ду́шу свою́ положи́вый.

Ра́дуйся, за́мыслы богоме́рзка-  
го мучи́теля рассе́явый; ра́дуйся,  
я́ко в темни́цах су́щих и во у́зах  
посеща́л еси́.

Ра́дуйся, я́ко и сам за Христа́  
в темни́цу всаждён был еси́; ра́-  
дуйся, я́звы Го́спода своего́ на  
теле носи́вый.

Ра́дуйся, Иоа́нне святы́й, вои-  
не и пресла́вный чудотво́рче.

#### Конда́к 4

Бу́рею помышле́ний сумни́-  
тельных колеба́шеся блаже́н-  
ный Иоа́нн, егда́ по́слан бысть  
в Ну́меры Ифа́льския, да му́-  
чит та́мо ве́рующия во Христа́.  
А́ще у́бо, глаго́лаше, по повеле́-  
нию царёву и́мам благове́рныя  
лю́ди му́чити и убива́ти, осужде́н  
бу́ду от Бо́га; а́ще же не иду́ та́мо,

в чїне воїинства моего обрящу-  
ся царю протївен и прѣдан бѹду  
смѣрти лютей. Обаче страхом  
Божїим водїмый, веру Христову  
в сѣрдцы своем сохранил еси  
даже до злостраданий и уз тем-  
ничных, вопия Христу: Алли-  
луйя.

#### Икос 4

Слышав нечестивый Иулиан  
твое ко христианом милосѣр-  
дие и увѣдев тя самаго христиани-  
на быти, разъярїся на тя злобою  
и повелѣ привести в Царьград,  
яко злодея и протївника ца-  
рева. Ты же, благодатию Божїею  
укрепляемь, страдания претер-

пел еси мужественно и от веры  
во Христа никакоже отступил  
еси. Сего ради величаем тя сице:

Радуйся, исповѣднице веры во  
Христа неустрашимый; радуйся,  
воине Христов непобедимый.

Радуйся, яко со Архистратїги  
Сил Небесных Престолу Божїю  
предстоиши; радуйся, скорый по-  
мощниче всем за истину терпя-  
щим.

Радуйся, искушений и соблаз-  
нов от диавола избѣгнувый; ра-  
дуйся, яко и всех призывающих  
тя от искушений избавляеши.

Радуйся, замыслы богомерзка-  
го мучителя разсеявый; радуйся,

и нам сѣти диавола избегати помогающий.

Рáдуйся, щитом вѣры себѣ самаго от стрел лукаваго защитивый; рáдуйся, ѿмже и нас от искушений охраняющий.

Рáдуйся, христианскаго рода украшение; рáдуйся, Небесных чертогов обитателю.

Рáдуйся, Иоáнне святы́й, воине и пресла́вный чудотворче.

### Конда́к 5

Боготѣчней звездѣ подобен был еси́, Иоáнне, егда́ прише́д в страны́ Ифа́льския, увещáл еси́ тамо́ сущих христиа́н не отсту-

пати от Со́лнца Пра́вды Христа́ Бо́га, но вѣ́ну пѣти Ему́: Аллилу́ия.

### Ўкос 5

Бѣдя святы́й приводи́мыя пред него́ по повелѣнию цареву вѣрныя Христу́ люди на мучѣние за вѣру Христову, зело́ скорбѣ за ня, в сѣрдцы своѣм пекѣйся, да избáвит их от руки́ мучи́телевы. Таковѣе твоѣ попечѣ́ние о них похваля́юще, зовѣм ти:

Рáдуйся, любѣвь Христову в сѣрдцы своѣм имѣвый; рáдуйся, ꙗ́ко, тою согрева́емь, от мучи́телей вѣрныя рабы́ Христовы спа́сал еси́.

Ра́дуйся, велѣния нечестѣвых презрѣвый; ра́дуйся, за́поведи Христо́вы сохрани́вый.

Ра́дуйся, вѣрных рабо́в Христо́вых дру́же; ра́дуйся, христиа́н заступниче.

Ра́дуйся, су́щим в темни́цах и во у́зах утѣшителю; ра́дуйся, ни́щих кормителю.

Ра́дуйся, стра́нных водителю; ра́дуйся, немощствую́щих врачю́.

Ра́дуйся, заступниче си́рых; ра́дуйся, пла́чущих утѣшителю.

Ра́дуйся, Иоа́нне святы́й, вои́не и пресла́вный чудотво́рче.

## Конда́к 6

Постом и моли́твою плоть твою́ ду́хови порабо́тил еси́ и во сла́ву Бо́жию духо́вне пожил еси́; сегó ра́ди ны́не предстои́ши Престо́лу Пресвяты́я Трои́цы, вѣну воспева́я песнь: Аллилу́ия.

## И́кос 6

Розсия́л еси́, я́ко но́вое свети́ло на твёрди небѣсней, всему́ христиа́нскому ро́ду, егда́ Бо́жим изво́лением обрѣтено бысть нетлѣнное тѣло твоѣ, источа́ющее обѣлие чуде́с с вѣрою к тво́емю заступлѣнию притека́ющим и моли́твенно тебѣ взыва́ющим:

Рáдуйся, Бóгу житиём твоим  
угодíвый; рáдуйся, сегó рáди от  
Негó прославлénие прия́вый.

Рáдуйся, тщету́ и прелесть  
ми́ра сегó презрэ́вый; рáдуйся,  
мзду Небéсную восприя́вый.

Рáдуйся, я́ко о ма́ле véрен  
яв́ился еси́; рáдуйся, я́ко об́илие  
благодáти Бóжией при́яти сподó-  
бился еси́.

Рáдуйся, я́ко в жити́и сем  
бл́ижняго самоотв́ерженно воз-  
люб́ил еси́; рáдуйся, я́ко в скóр-  
бех и напáстех сýщим застúпник  
был еси́.

Рáдуйся, дýшу свою́ за дру́-  
ги полага́вый; рáдуйся, тёплый

ходáтаю за нас у Царя́ Небéс-  
наго.

Рáдуйся, от муч́ителя гн́ева  
христиáны спаса́вый; рáдуйся,  
я́ко и днесь о спасéнии на́шем пе-  
ч́ешися.

Рáдуйся, Иоáнне святы́й, вои-  
не и преслáвный чудотвóрче.

### Конда́к 7

Хотя́щу ти от ми́ра сегó пре-  
сел́итися, смиренномúдрием  
побужда́емь, повелёл еси́ не́ко-  
ему́ челове́ку т́ело твоё поло-  
ж́ити в до́ме, иде́же страна́нии и  
ни́щии погребáхуся. Господь же,  
смирéнныя вознося́й, благоволи́

сохранити óное нетлénно и чудотворéния источáющее всем ко твоёмú заступлénию с véрою притекáющим и о тебé Бóгу вопиýщим: Аллилúя.

### И́кос 7

**Н**óвую показá мíлость рабóм Своём Человеколюбец Господь, егда благоволи́ прослáвити тя и яв́ити в тебé благодáть Свою́ чудотворя́щу. Мы же таковóму промышлénию Бóжию раду́ющеся, благодарне вопиём:

Раду́йся, вместíлище благодáти Бóжией; раду́йся, сосúде Бóжий избранный.

Раду́йся, чудотворче предивный; раду́йся, притекáющим к тебé с véрою скóрую пóмощь подавáяй.

Раду́йся, душéвных и телéсных недúгов нáших целítелю; раду́йся, бесóв о íмени Христóве изгонítелю.

Раду́йся, лука́вства врагá чело­веческаго обличítелю; раду́йся, целомúдрия охранítелю.

Раду́йся, благочестíвых супрúжеств от всякаго диáвольскаго прельщénия незр́имая оградó; раду́йся, татьб́ы и грабítельства скóрый обличítелю.